

CAPUT VII.

COMITES DE ZINZENDORFF.

Quamvis aliqui in ea opinione fuerint, illustrissimos Zinzendorffios cum Rudolpho I. Imperatore vel Alberto I. ejus filio ex Helvetiâ in Austriam migrâsse, verior tamen opinio est, illos ex Austria oriundos esse. Nam ante initium Regiminis Habsburgici in monumentis Austriacis eorum jam memoria celebratur. Marquardus Zinzendorffius unâ cum uxore Luitgardi Comitissa de Pfannenberg & filiabus Christina Adelheidique in Monasterio Lilienfeldensi. Anno 1246. humati sunt. (a) Porro Henricus de Zinzendorff testis adducitur in documento quodam de An. 1316 (b) Otto & Henricus fratres de Zinzendorff sigilla sua appenderunt Instrumento cuidam Anno eodem 1316. (c) Georgius de Zinzendorff in documento quodam emptionis An. 1363. in testimonium vocatus est. (d) Similis argumenti tabulas Christianus Zinzendorffius Anno 1394. subscripsit, diciturque ibi, *der Erbare Herr Christian von Zinzendorff/ encomio quo tunc temporis testantibus plurimis documentis Barones in Austria mactari soliti sunt, qui titulus, tradente Clariss. Spenero,* (e) hodie penè contemptus tunc temporis eximus erat. Christianus ille Zinzendorffius Ernesti Ducis Austriæ partibus contra Albertum adhæsit, & ideo magnam bonorum suorum jacturam fecit, de eo Haselbachius in Commentariis suis: *Reinbertus de Waldsee inquit, Supra Anasum plures in firma obedientia sapè fati Alberti persistere fecit, & alios vi & Armis ad eandem forti manu venire coegit, & obnitentes gravibus damnis affecit, ex quibus Zinzendorffer, qui tamen de numero Dominorum Ministerialium fuerat, per surreptionem Castrorum & suorum Vasallorum ad pauperiem usque perduxit, prout & hodiè coguntur experiri sui successores.* Egidius de Wolfstein vendidit bona quædam in Hubo Friederico Domino de Zinzendorff Anno 1395. (f) Eodem Anno Weickardus à Polheim datis reversalibus litteris promittit se Christianum Zinzendorffium & Johannem Eberstorffium qui pro contingentis libris denariorum Caspari à Starenberg (cui filia Weickardi Polheimii nupserat) dotis nomine solvendis fidejusslerunt, indemnes servaturum, (g) Idem Christianus Zinzendorffius domum, Viennæ in plateâ Pincernarum (germanicè Schenzenstrasse) sitam An. 1373. in dominio suo habuit. (h) Rudolphus de Zinzendorff (der Edle Herr/ Herr Rudolph der Zinzendorffer) à Christophoro de Lichtenstein allegatur. An. 1429. (i) Guilielmus Tur-